



21762

kat. komp.

III

Mag. St. Dr.

P

Michał

Cardinalis.

Zawadki Bureykt. w S. Józefa.

Scholar. Piar. Coll. Lovinco: Agnus cardinalis purpure
eminentissimus, primatialis festis coluissimus
etc. 1690.

PANEG. et VITAE
Polon. Fol.

Nº. 1098



AGNUS

Cardinalitiâ Purpurâ
EMINENTISSIMUS

Primatiali fastigio

CELSISSIMUS

Archiepiscopatu Gnesnenfi
ILLVSTRISSIMVS & REVERENDISS:

Accipere Virtutem, & Divinitatem, & Sapientiam,
 & fortitudinem, & honorem, & gloriam,
 & benedictionem. &c. &c. &c.

DIGNISSIMUS

Ab Orbis Vrbe Roma redux


Et inter votivos obviâ exeuntis Poloniæ applausus

A

Loviciensi Scholarum Piarum Collegio Panegyricè

SALUTATUS

Anno AGNI DEI tollentis peccata mundi
 1690.



VARSAVIÆ,
 Typis Collegij Scholarum Piarum.

hh.

21
In Gentilitium Insigne
EMINENTISSIMI
CARDINALIS



24.762 III
Magnus honor vobis, magnum quia cingitis arcto
Primatis nexu Mitra, Galere, Caput.
Luna KORYBUTHI, necnon SOBIESCIUS Umbo
Testantur, Sceptris quòd sua plena Domus.
Et satis est, nec plura petit RADIOVIUS AGNUS,
Purpureo si omnes vellere textit Avos.

A D
CARDINALEM
EMINENTISSIMUM
Præfatio Lyrica.

SI vel hyberni remorantur Euri,
Vel nimis sævæ retinent pruinae,
Cedimus fato, neq; deviantem
Cogimus AGNUM.

Si nives obstant, vel hyems severè
Asperat blandas glacialis undas,
Si pluit nimbis Aquilo, gravesq;
Decutit imbres.

Cedimus fato RADIOVIANUM
Vi nec vrgenti revocamus AGNUM,
Hæreat, nec se moveat rigentis
Tempore brumæ.

Ast hyems postquam posuit minaces
Et gelu stringens Boreas furores,
Verq; succedens pepulit malignam
Ætheris auram.

Nec tamen noster redit AGNUS, imò
Vota suspenso reditu precesq;
Lechicas ludit, Dominâ morando
Hospes in Vrbe.

Fata nil versùs querimur, sed ipsum
Questibus lentis laceramus AGNVM:
Quid moras nectis? Patrio nec AGNE
Sisteris Orbi?

Fama Te primis Iunij quadrigis
Sparsit è magna properâsse Roma,
Iunium præter Julius flagrantem
Finiit æstus.

Quin & Augusti seges inquietis
Fluctuans culmis alacri metentis
Decidit ferro, subijtq; largo

Horrea fructu.

Nec redis noster tamen AGNE, prime
Nec redis Princeps; geminat querelas
Ipse September, quod es & nec istis

AGNE Calendis.

Sed quid humani poterunt labores?
AGNUS ex ipso venit vsq; cœlo:
Supplicet cœlo, reducem videre,

Qui petit AGNUM.

Misimus fursum pia vota, cœlo
Supplices dextras dedimus; DEUSq;
Audiit voces, cupidis petitum,

Detulit AGNUM.

AGNVS est præsens, Lechico IOANNES
E throno prodit, CASIMIRA Prolem,
Obviam ducit, reditumq; sani

Excipit AGNI.

Gnesna lætatur, niveisq; sparsum
Lilijs confert iter, & PIARUM
Vota procedunt, animi, manusq;'

Læta SCHOLARVM.

Cum suas sospes subit AGNUS oras;
Vivat! & noster recreetur orbis
Vivat! & nobis memoretur omni

AGNVS in hora.

Non aliter tam AGNO, quam reduci
EMINENTISSIMÆ CELSITVDINI TVÆ.

Vovet & precatur

Deiunctissimum Collegium Louiciense
Scholarum Piarum.

Emitte Agnum Domine *Isaia. 16.*



Sanctissimus Dominus es
ALEXANDER OCTAVE

Emitte AGNVM Domine.

Accepto Vaticano Galero

Mercurius Eminentissimus

Induat talaria, & redditum acceleret.

Expectatio nostra non iam queritur, sed increpat;

Et pænè indiscretionis Primatem Regni accusat,

Si præstolantium tenet ulterius desideria.

Audacter primo Principi nostro dicimus:

Phosphore redde diem, quid gaudia nostra moraris?

Pascendis ovibus destinate Petri Successor

Non ita diù AGNVM nostrum pâsce:

Etiam Polonia pro illo pascua habet;

Si non in septem collibus,

At inter Gnesnæ Liliâ.

SERENISSIMVS POLONIARVM IOANNES

Tædio afficitur absq; suo AGNO.

Et benè: scis BEATISSIME PATER

Ioannis cuiusvis in Agnum amores & studia!

Qui regis Israel intende, qui deducis velut ovem Ioseph

Psal: 79.



Quod Ioseph Aegypto, hoc Poloniae RADZIEIOVIVS;
Post supremā statim Maiestatem Primas primusq; Princeps;
Tantum Principem in suo ad nos reditu deduci velut errabundā ovem
Grande desideriiis Lechicis tormentum.

Qui regis Israel intende

Ut ut calidissimos æstatis menses videamur egisse;
Glacialem hyemem perpeffi credimur.

Destituti Ariete nostro,

In quem sol ingrediens nobis Ver inchoare debuisset.

Quomodocunq; alii maiorem quærant è longinquò reverentiam;

A nobis è proximò etiam parata RADZIEIOVIO.

Apparitio Michaelis nobis inter præcipua festa,

Quam in Maio celebrari debitam, hucusq; differi

Polonæ derogatum rubricæ.

Nullius boni sine socio iucunda fit possessio:

Quid sine optimo ArchiPræfule?

MICHAEL noster

Non in Apulia, non in Gargano monte se teneat;

Erunt ex nobis evocantium iacula, quæ ipsum eliciant?

Mon-

Montes exultaverunt sicut arietes, & colles sicut Agni Oviū. *Psal: 113.*



PVduit Romam se eius Conditoris esse filiam;
Qui à lupa pascereetur.

Ideò cū collibus suis, Metamorphosi nova
Transivit in arietes & Agnos Ovium;
Seu ut familiariùs AGNO Nostro uteretur,
Seu quod iniurium putavit Petro tributarium esse;
Et tam bono Pastori lupum se præstare non ovem!

Subsilière altiùs Auentini montes
Sarmaticam tellurem videre percupidi;
Quæ tam prodigiosum enutrivit AGNUM:
Cognitoq; RADZIEIOVIO ea fuit Polonorum æstimatio;
Vt transmarini omninò cum Iasone uiluerint Colchi.
Lætitiâ, ludisq; viâ, plausuq; fremebant
Audito Vaticani tripudio.

Et Cápitolini exultaverunt Anseres
Postquâ Polonam viderunt Aquilam!
Spectari potuit ab omnibus Romana lætitiâ,
Vbi supra montes áscendit.

Meliùsq; nūquā a Qvirinalibus rupibus repressa personavit Echo,
Quam ubi Sarmatiæ etiam Nostræ excepta est auribus.
Ipsemet Alexander quia in Polonum Ephestionem incidit;
Non invidit hanc venerationem fieri à Romana Sisigambi.

Et laverunt stolas suas, & de-
albaverunt eas in Sanguine Agni. *Apoc: 7.*



Sanguis Agni lavat non maculat.
Et ideo pro Oceani undis
Tinge hic equos & currum Tarnoviorum Luna:
Non negabuntur Stativa tam nobili Planetæ,
Licet sibi potissima Sol usurpet hospitia in coelesti Ariete.
Luna Soli non impar,
Quæ cum est PLENA, FIT ÆMVLA SOLIS.
Quotquot maximas Familias habemus,
Has omnes Sanguine Suo AGNVS tangit.
Enumerare omnes immensum est,
Satis quia Regnator etiam in Lechico throno IANINA,
Huic Serenissimus est Consanguineus,
Ex regnatrice Domo Avia Sobiescia
Nullis non Sæculis Dea,
Quam Sarmatici Coeli Palladem gentilitius testatur Vmbo.
Eat nunc caúillator apud Æsopum lupus,
Et limpidas aquas ab agno turbari dolose queratur,
Augustas etiam scaturigines Iunofza noster non inficit.
Tu Dædalum indue calame,
Et tam Nobilibus ceris in sublime euolabis.

Affer-

Afferte Domino Filios Arietū

Psal.
26:



IOANNES alias non esset
Invictissimus in Lechico throno IANINA,
Nisi Arietum Filios adamasset.
Quotquot Nominis huius sunt Regnantes,
Innata eis semper in A G N V M propensio.
Apud Baptistam ad manus, ad pectus semper excubat,
Apud Apocalypticum occisus etiam triumphat.
Quamquam & apud Baptistam non absq; triumpho,
Quia cum vexillo semper triumphali.
Gaudent alia animalia beneficâ Ioannis tangi manu,
Præ A G N O tamen vix aliquis tenerius,
Qui ea illum inter Lilia posuit,
Vbi Tauri & Bisontes, ubi pascebantur Leones.
Felicitatem Agni diceret,
Nisi hæc non tantum à meritis sed & à Natalibus esset.
A G N V M enim inter & magnum
Non literarum tantum, sed & rerum quædam vicinia,

B

Tulit.

Tulit autē Samuel Agnum lactē-
tem unum, & obtulit illum holo-
caustum integrum Domino 1. Reg. 7.



Velimus RADZIEIOVIORVM RADZIEIOVIVS
In holocaustum integrum cedit DEO.

Radziozowi radziozowi AGNVS, cui alteri *Radziozowi radziozowi* bn
Nisi ei, qui per integrā Scripturam innocētē se manifestat AGNVM
Non extingvetur unquā amplissimæ Prosapiæ nomen,

Quia illi consecratum, qui totus est vita.

Senium suum est omnibus rebus humanis,

Et aliquandò fatalia meta;

Magna Domus quasdam semper habent rimas,

Per quas prospicit, aut furtivè intrat ultimus exitus;

Conservabit tamen Deus suum AGNVM,

Qui occisum etiam resurgere fecit & triumphare.

Extingui possunt corpora; vivua semper perennabit fama.

Nevè pro extincta in se Familia Iunosza noster erubescat;

Cardinalitia pro ipso rubet iam Purpura.

Nè aliquandò vetustissima Domus casum sentiat;

Pastoralis fulcit scipio.

Nè, ut plerumq; fit, humana pateat mortalitas;

Archiepiscopale regit Pallium.

Deniq; MICHAEL est,

Qui plura non desiderans individua, sibi indiuiduum est, sibi species.

Et ecce

Et ecce Agnus stabat supra
montem

Apos: 14.



VTcunq; Agni declivia in pascuis ament,
AGNVS noster non pascitur nisi supra montem.

Primatus Regni debet esse,

Qui tam delicatum animal faturet.

Cardinalitia Purpura Principi fastigio pronuba.

Nimirum Vaticana eminentia vix apud Polonos ferenda

Nisi non Romæ tantum, sed & in Polonia

Titulis & locis gaudeat éminentissimis.

Controversiam semper Polonis movit adveniens indè dignitas,

Adeòq; , acribus certatum Studijs ,

Quotiès in Olesniciò una , altera fulgeret in Oporovio :

RADZIEIOVIO desuper datum

Vt & INNOCENTII & IOANNIS III in eum confluerent vota.

Optimè affecto in res Lechicas INNOCENTIO ,

Qui regna Poloniæ aucta maluit ,

Quam sub prærogativa suæ potestatis cum Ænea Sylvio perdere.

Noverit hinc orbis

Quæ & quanta RADZIEIOVII capacitas ,

Dum quæ Olesaicium & Oporovium

Fecerunt di-visa beatos ,

RADZIEIOVIVS Solus collecta tenet .

Et datū

Et datum est Agno ut se coope-
riat byssino candenti

Apoc: 1.



INNocentiae Symbolum AGNVS

Ab INNOCENTIO meruit honorari.

Diù intra Vaticanas stationes tenuit se tam basilicus honor,
Et vltra medium sæculum ad Poloniam non respexerat.

Sensit Arietem in RADZIEIO VIO.

Et expugnari tandem sustinuit.

Infatiabilem belluam

Quis unquam credidisset miti animali ita propitiam;
Nisi quod aviditas ista Othomanicæ inhiavit Lunæ,

Non Agni huius lanæ.

Benè scivit illè Septicollis Romæ Pastor

Agnum supra montem pasci:

Ideo in eo pascuæ loco illum collocavit;

Qui est EMINENTISSIMVS.

Serenissimum in throno Nostro non amasset IOANNEM,

Nisi simul & admotum tenerius pectori Agnum.

Christi, vix esset Vicarius,

Nisi in humeris suis portaret Quem,

Relinquere alias potuit,

Hanc unam præ reliquis dilexit.

Ecce A-

e- **E**cce Agnus stabat supra montē
Sion, & cum eo centum quadraginta quatuor
millia habentes nomen eius, & nomen
Patris eius scriptum in frontibus suis. *Apoc: 14.*



Impari semper iaculo duellant Li-vor & Virtus :
Paratus virtuti triumphus, Li-vori ignominia.
Qui aliquandò coram tondente se obmutuit,
Ecce AGNVS stat supra montem sion,
Et cum eo centum quadraginta quatuor millia
Habentes nomen eius & nomen Patris eius scriptum in frontibus suis.
Quantus populus in innocentix testimonium!
Quantus spectator in famæ theatrum!
Ea nimirum Virtus est,
Quæ nec clades mereri, nec cum immeritò accedunt, deijci potest.
Plerosq; in securiorem portum detulit tempestas sæpius, quam malacia:
In MICHAELE induit fortitudinem,
Simulq; in eum eluctatus montem Gnesnensibus lilijs
Qui est & Celsissimus & Eminentissimus.
Memorandum triumphatoris AGNI nomen,
Quia Scriptum in tantæ multitudinis frontibus.
Quid ubi peragratus accesserit orbis?
Erit numerus Millionum Millium dicentium voce magnâ:
Benedictio, & honor, & gloria, & potestas in sæcula sæculorum
Sedenti in throno & Agno.

Et lucerna eius est Agnus

Apo: 21



NON Aquilarum tantum Gnesna nidus est, etiam AGNORVM.
Qui si fulmina non præferunt, at lucernas.
Et id ab innutrito splendoribus habent animo,
Vt fulgores potius præferant, quam fulgura:
*Fastidium quippe sui parit insolito rigidior celsitudo,
Et ubi reverentiam ab alijs expectat, accipit odium,*
Nec illuxisse tantum, sed etiam benefico ingressu voluit influxisse;
Quia lucerna est, & AGNVS.
Documentū daturus Principi Cathedræ,
Quod non ad deglubendum veniat, sed ad alendum;
Qui ita Pastor ingreditur,
Vt & AGNVM non exuat.
Novo Eliæ spiritus,
Qui aliquandò currus Israel & auriga eius.
Beatam ab hac Lucerna Gnesnam,
Quia non in præsens tantū, sed in posteros etiā claritas eius extēditur.

Dign-

Dignus est AGNVS accipere virtutem, & divinitatem, & sapientiam, & fortitudinem, & honorem, & gloriam, & benedictionem.

Apo: 5.



IN levēs lacinias non venit AGNVS, sed in purpuras :

Atq; adco.

Non absq; iniuria est, dignum esse honoribus, nec tamen dignatum :

In minori natalium fastigio virtus campum habet, in quo se exerceat ;

Vbi aliū sanguine ascenderit,

Theatrum esse desiderat. & in oculis totius orbis.

Redimiunt itaq; RADZIEIOVIANVM AGNVM Varmiensēs Infulæ

Vt Virtutem & indolem redimiant,

Quæ facile in alijs operitur, si non aperitur.

Erexit triumphale Vexillum Capitularis Varmiæ AGNVS

Postquā RADZIEIOVIANVM sibi præesse vidit.

Stephanus Wydzga lætatus eo Successore,

Quem sibi in Gnesnensi etiam sensit successurum Cathedra;

In hoc solum inferior,

Quod perniciosissimæ alias Solæ illius eò pervenire non concessum;

Quò RADZIEIOVIANO AGNO.

Certare cum Stephano Stephanus potuit, non cum MICHAELE;

Facile quippè obruitur lapidibus via Stephano,

MICHAELI præsto viæ ad Eminentissima.

Ecce Agnus DEI.

Ioan: 1.



A Throno non ex deserto
Prodijt hoc de RADZIEIOVIO testimonium:
Serenissima LVDOVICA iam tunc indigitabat AGNVM,
Cum in suum accepit.

*Maiestatum quò altior potestas, eò Divinitati propior.
Educariq; a Regibus, est penè esse in cura apud DEVM.
Sciuit optima Princeps tantò accuratiùs instituendum,*

Quantò maiorem aliquandò futurum sensit:
Et paranda in antecessum fulcra,
Queis Poloniæ niteretur Fortuna.
Erat illa Tethys assumpta Achilli,
Nisi quod non in gynæceo palæstram assignavit,
Sed in orbis peragrandi theatro.

Nec elusum Augustæ Educatricis iudicium.
Nam ita est AGNVS DEI,
Vt simul sit DEI & Apostolicæ sedis gratia

S. R. E. Cardinalis.

Archiepiscopus Gnesnensis, Legatus natus,
Primas, primusq; Princeps Regnì Poloniæ.

Et uidi

Et vidi Agnum stātem &c. & cantabant Canticum novum dicentes: Dignus es Domine accipere librum, & aperire signacula eius.

Apoec. 4.



NOVUM certè canticum esse debuit;
Vt Varmiēnsibus iam redimito. Infulis AGNO
Signatorius concederetur liber.

Petro id Tomiccio concessum & Stephano Wydzga,
Præcludentibus nihilominus statim statutis, nè id amplius fieret:
Dispensatum cum RADZIEIOVIANO AGNO,

Quandoquidem dignus est inventus,
Qui non acciperet tantum Librum,
Sed etiam aperiret, si quæ obstabant vetantium signacula.

*Adeò dignæ maximis munij animæ ipsa etiam lex cedit:
Et mutari non erubescunt antecedentium sensuum præscripta,*

Quando altera meritorum inchoantur comitia.

Lexibus cunctis inest quidam orbis,

Vt quemadmodum temporum vices, sic & illarum vertantur.

Gavissus Regni annulus ei cōmitti Sanguini,
Qui regale etiam pomum affinitate tangeret.
Exultabant Sigillares Cerae ab eo tractari AGNO,

Cuius vellus non in aliud cessurum esset,
Nisi in Archiepiscopale Pallium & Cardinalitiam Purpuram.

Et canticum Agni: Magna & mirabilia sunt opera tua Domine.

Apo: 15



I*nfimum ad purpuræ suffragium, quod à solo sanguine profluit:
Stabilius quod à meritorum apparatu:*

*Infelix dignitatum Fortuna
Si proventus tantum numerat,
Nec beneficam extendit manum.*

AGNI Nostri.

Magna & mirabilia opera.

Adversus hæresim tam mite animal non semel Leo?

Regiomontanæ Ecclesiæ Visitator

Ostendit in alieno etiam Dominio verus Pastor quid possit.

Fransburgensis & aliæ Basilicæ

Mutis etiam lapidibus loquuntur munificentiam.

Ottomanica Luna non Agnum, sed admotum sibi sensit arietem

A subsidiario solliciti Pastoris ad Viennam milite

Coacta pati ecclipsim.

Ingens animus quò ulterius tēdat, memoris Patriæ
reliquitur gratitudini.

Satis quia quæcunq; fert vellera hic AGNVS,

Non sibi,

Sed Patriæ, sed Ecclesiæ, sed nobis fert omnibus.

Hi cum

Hi cum Agno pugnabunt, & Agnus
vincet illos.

Apoc: 17



IVNOSZA NOSTER non AGNVS tantum est, sed & Aries;
Arietandis non muris solum hostium, sed & urbibus.

Musarum gloriam ita æmulatus.

Vt & Gradiui non negligeret,

Qui ita Soli stativa in MICHAELE concessit;

Vt & in Maioribus illius Mars domesticum ageret?

Sensit quævis hostilitas,

Quod non pugnare solum AGNVS sciverit, sed & vincere?

Non refrixit unquam bellicus calor in Antenatis suis,

Quem Aries hic vellere suo semper incendebat.

Idem illi

Sub bellicis ac arietinis pellibus hyemem agere:

Optimè gnaro

Indecoras omnes magni Sangvinis purpuras

Absq; murice Martiali.

Vt ut sit aureo vellere nobilis,

Nobilior tamē ab hostili purpurisso,

Qui pro Tyro amat Tyram.

tem

um

D 2

Huic offi-

Huic Ostiarius aperit, & oves
vocem eius audiunt

Ioan: 10.



Diu absentiam & Agni & Pastoris Nostri sustinuimus.
Vt tamen Pastor verus intrat per ostium,
Ostium benè custoditum inueniens
Vbi illud Ostiariæ commendavit Clavi.
Benè scivit, cui Gnesnensem cōmisit Nidum,
Vtpotè arcium noscenti custodias
MICHAEL sui aut suorum fuisset oblitus
Michaelis Præpositi relictis excubiis?
Illinc ipsemet ad tantum progressus fastigium
Et Administratorem non fecisset Gnesnæ,
Quem Cracoviæ habet successorem?
Clavis super humerum eius,
Et huic moli iam bis ante sustentatæ fuisset impar?
Videat an oves vocem eius non audiunt,
Cui tantus Ostiarius aperit?
Iustitia toties se huic Clavi credidit
Et non RADZIEIOVIANVM ovile?
Ita Petrus Pastor est, ut nunquam sit sine clauibus!

Tulit

Sedenti in throno, & Agno benedictio, & honor, & gloria, & potestas in sæcula sæculorum.

Apoc: 5.



Non ita triumphos Agno decernimus;
Vt obliviscamur & Sedentis in throno.
Imò mentionem non permittit RADZIEIOVIVS;
Si Tui non meminimus IOANNES TERTIE.
Consistere non vult dignitatem suam absq; Tua Maiestate;
Vtpotè illustris in Zodiaco Aries,
Serenissimi tamen Solis, hospitio Illustrissimus.
Nec in aliquod Tibi tempus benedictio, honor, & gloria,
Sed in sæcula sæculorum.
*An enim ita optimos principes accipimus, ut perdamus?
Popularibus vita per quosdam gradus ordinata,
Principibus valetur æterna,
Dum tamdiu non moriuntur regna, quàm diu hi vivunt?*
Commisit votum pertransita RADZIEIOVIO Vienna;
Vt sponderet tantum illam de suis cedere annis,
Quantum tu ei Vitæ tribuisti:
Nisi in regnatrice prole vivere malis,
Sed ita illa capiat coronam, vt Tibi non cripiât uitam?
Nec enim novum est apud Polonos:
Superstite etiam Sigismundo coronari Augustos.
Existente in vivis illa...

Sedenti in throno, & Agno bene-
dictio, & honor, & gloria, & potestas in sa-
cula seculorum.



